

rave
ra, e
taua
peete
feia
vehia

i mau
ua tae
ira na
me ra

Dire

itehia
24 no
atere
a nei,

a atca
achia
e pae
a, e te
rumu
mou'a
fare
to i te



Te Avae Febuare 1959

TE HEHEURAA API

Te A'oraa I Nia I Te Mou'a

(Mataio 5-7.)

I te tahi mau taime ua rohirohi roa o Iesu e ua haere oia i nia i te mau mou'a no te faaea rii. I te hoê o to'na haereraa i reira aratai atoa'tura oia, i pihaiho ia'na, ta'na mau pîpî haapao maitai, e i reira a'o atura oia ia ratou te a'oraa tei itehia i raro a'e i te i'oa ra te A'oraa i Nia I Te Mou'a.

A Parau noa'i oia i ta'na mau pîpî ra, ua na ô atu oia ia ratou, "*O outou te miti o te fenua.*" E faahoho'araa te reira i te hoê parau mau rahi ra. Na te miti e haamaitai i te maa e e tamâ atoa i te reira. Mai te reira atoa i te mau tane e te mau vahine maitatai, e te mau tamaroa e te mau tamahine atoa hoi. Te ora nei ratou i roto i te parau-tia no te tautururaa'tu i te tahi pueraa ia na reira. A taman noa'i Iesu i ta'na haapiiraa, parau atura oia i te tei pee mai ia'na ra, eiaha ratou ia mātā'u noa e i te huna atoa hoi i to ratou mau ite, ia riro râ ratou mai te mori i nia i te mou'a ra, no te aratai e te ume mai ia vetahi ê ra, Ua na ô atu oia, "*O outou te maramarama o teie nei ao.*" *A vaiiho i to outou maramarama ia anaana ia i mua i te aro o te taata nei, ia hi'o ratou i ta outou parau maitai, e ia haamaitai i to outou Metua i te ao ra.*" Noa'tu ua haapii mai oia "*ia vaiiho tatou ia anaana to tatou maramarama*" ua haapii atoa maira oia ia tatou ia faahaehaa tatou ia tatou e ia haehaa to tatou aau. E mea ino te teoteo o te aratai ia tatou i roto i ae hara e te oaoa ore. E mea au ore roa na te Fatu te feia haavare, e te mana'o nei oia ia riro tatou ei feia parau-tia e te afaro maitai i roto i te mau mea atoa ta tatou e rave ra. Eiaha tatou e titau ia parauhia e, e mea maitai a'e tatou, e a ore ra, ia rahi a'e tatou, i te mau ohipa e ravehia nei e tatou i te mau mahana atoa o tei faaite mai e, eaha ra tatou, e eiaha atoa e titau ia ora te mau taata i te hoê oraraa maitai a'e i te oraraa e roahia nei e tatou iho.

U
hama
tupu,
ia tan
ta'ua
i ta o
reira,
mua i
haere

U
te imi
haapi
manu
oia ia
taime
to tat

U
mai i
riro p
huru
e tam
horoa
oe ra;
Ua ha
ia pur
i te hu
tei arc
outou
telona

M
mai o
hoi:
maita
maita
ihoat
te hoê
ia o t

Ua haapii mai oia e, e mea tia roa ia maitai e ia hamani maitai atu i to tatou mau hoa e to tatou mau taata tupu, e mai te mea e hamani-ino mai te tahi taata ia tatou, ia tamata ihoa tatou i te faaore atu ia ratou. Teie te hoê o ta'na mau haapiiraa rahi, oia hoi: "*E teie nei ia hopoi oe i ta oe tao'a horoa noa i te fata ra, e ua mana'o i hora oe i reira, e e hara ta to taeae ia oe na; e vaiiho atu i te tao'a i mua i te fata ra, e mata na i te haere e faite i to taeae, a haere a hopoi ai i ta oe tao'a.*"

Ua ite oia e, te vai ra te tahi mau taata o te tamata i te imi i te ravea ia manuia ratou i nia ia tatou, area ra, ua haapii mai oia e, e tia ia tatou, i te tahi mau taime, ia manuia atoa i nia ia ratou na roto i te maitai. Ua faaitoito oia ia tia ia tatou ia farii i te parau hape i te tahi mau taime, o te riro paha te reira ei ravea no te faa fariu mai i to tatou mau taata tupu i roto i te e'a parau-tia ra.

Ua haapii mai oia ia tatou e, mai te mea e motohia mai i nia i te tahi paparia, e fariu atoa'tu tatou i te tahi; e riro paha o te haamâ to tatou enemî e o to te tauî hoi i te huru o to'na ra oraraa. Ua na ô atoa mai oia, mai te mea e tamata te hoê taata i te rave mai i to tatou pereue, e horoa atoa'tu tatou ahu oomo ra. "*E horoa'tu i tei ani mai ia oe ra; e o te tipee mai ia oe ra eiaha e faaho'i-noa-hia'tu.*" Ua haapii mai oia ia here atu tatou i to tatou mau enemî e ia pure noi no te feia i tuhi mai ia tatou. E ere te tairoiro i te huru o to te Atua ra; no ô mai te here i te Fatu. "*O tei aroha mai ia ontou, o ta outou ia e aroha'tu, eiaha ta outou utua i reira? E ere anei te na reira atoa nei te mau telona?*"

Ma te amui mai i te reira mau haapiiraa ua tuu atoa mai oia i te hoê o te mau faaueraa rahi mau o te evanelia, oia hoi: "*Ia maitai roa hoi outou mai to outou Metua i te ao e maitai roa ra.*" No te aha ra te Fatu i faaue mai ai ia maitai roa tatou? Ua haapii a'enei hoi tatou e, o te Atua ihoa to tatou ra Metua. E mea maere anei ia riro tatou, i te hoê tau e haere maira, mai ia'na i te huru? O te auraa ia o te parau ra e maitai roa ra. Ua haapii to tatou nei

Ekalesia i teie nei parau tumu no na matahiti e rave rahi, oia hoi: "*Mai to te taata nei huru i teie nei, o te huru ia o te Atua i te matamua; e mai te huru o te Atua, i teie nei, e tae atoa te taata i te reira faito.*" Eita paha e riro mai te Atua i te taine o to tatou oraraa i te pae tahuti nei, no te mea ua riro oia ei mea maitai roa ra na roto i te mau tau mure ore, tera ra, e tia ia tatou ia haamata i teie nei oaraa na roto i te raveraa i te mau mea e rave rahi o te tauturu atu ia tatou ia riro ei mea maitai roa ra.

Ua tuhia te i'oa ra te Faito Auro i nia i te hoê o te mau haapiiraa a te Faaora, e ua tuu mai oia i te reira a a'o mai Oia i Nia i te Mou'a ra. Teie ia taua parau ra: "*E te mau mea atoa ta outou i hinaaro ia vetahi ê ra, e na reira atoa'tu outou ia ratou; o ta te ture ia e ta te mau peropheta.*" Teie ia te auraa o te reira parau, ia rave tatou i nia i te tahi atu taata mai ta tatou e rave nei i nia iho ia tatou nei. Ua haapii mai Iesu ia pure atu i te Metua, ia pure râ tatou i roto i te faaroo. "*E ani, e horoahia mai ta outou, e imi e itea ia ia outou; e patoto atu, e iritihia mai te opani ia outou. O tei ani ra hoi, ua noaa ia, e o tei imi ra, ua itea ia; e te feia atoa i patoto ra, ua iritihia ia te opani.*" E pahono mai te Atua i ta tatou mau pure mai te mea e mea haapao maitai i to tatou taviniraa'tu ia'na, e mai te mea e tiaturi mau tatou e, e tauturu mai oia ia tatou. Ua rahi roa te mau haapiiraa maitatai i roto i taua a'oraa, e e mea tia roa ia tai'ohia e ia haapaohia hoi te reira i te mau mahana atoa o to tatou nei oraraa. Ua na ô mai Iesu, "*E teie nei, o te faaroo mai i ta'u nei mau parau, e haapao atura, e faito vau ia'na i te hoê taata paari, o tei faatia i to'na fare i nia i te papa; e mairi ihora te ua, e tahe ihora te pape pue, e te mata'i hoi ite uihiraa mai i nia iho i taua tare ra aore roa i parari, no te mea e papa te tiaraa. Area tei faaroo mai i ta'u parau, e aore i haapao, e faitohia ia i te maamaa, o tei faatia noa i to'na fare i nia i te one; e mairi ihora te ua, e tahe ihora te pape pue, e te mata'i hoi i te uihiraa i nia iho i taua fare ra, mairi ihora e e parari rahi to taua fare ra.*"

Marcel Bonnet

Na Haapiiraa E Piti

Te Haapaoraa êê.

E haere tia'tu te taata parau tia i to'na hanahana mure ore ra i to'na poheraa.

Te Bibilia.

Tei muri a'e te haavaraa i te tia-faahou-raa. Apokalu. po 20:12. No reira, ua papu e, eita ia te taata e faataahia no to'na faaearaa mure ore ra, maori râ ua na mua oia i te haavahia.

Te Haapaoraa êê.

E utua mauini mure ore to te feia hara.

Te Bibilia.

E teie nei, e parau atu vau ia ontou, e tia te mau hara atoa e te faaino a te taata nei ia faaore, eita ra te faaino i te Varua maitai e faaorehia. Mataio 12:31. Te toêâ o te mau hara, maori râ teie parau hopea i faaitehia i mua nei, e tia ia, ia faaorehia, ia hoo na roa te koderanê iti hopea ra. Mataio 5:26.

Te Haapaoraa êê.

Hoê ana'e huru utua e roaa i te feia hara, noa'tu te huru ê o te hara a te tahi i ta te tahi.

Te Bibilia.

Te vai ra te mau huru utua e au atu i te mau huru hara. E huru tia'e i te tahi oire ia haamahu ia tae i te mahana haavaraa i te tahi oire. Mataio 10:15. E papaihia ia te tahi e rave rahi te tairiraa, e te tahi ra, e mea iti te tairiraa Luka 12:47.

Te Haapaoraa êê.

E haere tia'tu te feia hara i te vahi mauini mure ore i to ratou poheraa.

Te Bibilia.

Ia pohe te feia hara, e haere ratou i te hoê vahi i faataahia no te mau Varua ei reira ratou e faaroo ai i te Evanelia. I Petero 3:18-19.

Te Haapaoraa êê.

Aita e ravea no te haapiiraa i te Evanelia e no te fariuraa mai i te Fatu i muri a'e i te poheraa.

Te Bibilia.

Te a'ohia ra te Evanelia i muri i te poheraa. A'otura Iesu Mesia i te mau Varua i roto i te tapearaa. I Petero 3:19. Na roto i te bapetizoraa i te taata ora no te feia i pohe, e roaa i taua mau Varua o tei tupu to ratou faaroo e te tatarahapa i roto i te tapearaa ra te faaoreraa i ta ratou mau hara. I Korinetia 15:29

Te Haapaoraa êê.

Eita e riro i te taata nei te huru maitai no te Atua.

Te Bibilia.

Ua parau atura Ioane e, E riro tatou mai ia'na atoa te huru. I Ioane 1:2,3. Faaue atura Iesu i ta'na ra mau pîpî e, Ia maitai roa hoi outou mai to outou Metua i te ao e maitai roa ra. Mataio 5:48.

Te Haapaoraa êê.

Eita te ma'i e ora noa i te faaroo ana'e i teie nei tau.

Te Bibilia.

Ua parau papu atura Iesu e, e riro i te feia faaroo teie nei mau tapao, oia hoi, te tiabiraa demoni, te parauraa i te parau êê, te iritiraa i te parau êê, e te faaoraraa i te ma'i. Mareko 16:17-18. Aita teie nei mau tapao i parauhia no te hoê ana'e tau, no te mau tau atoa râ e itehia'i te feia faaroo mai te ora atoa hoi te huru.

Te Haapaoraa êê.

Eita e roaa i te taata nei, i teie nei tau, te heheuraa no ô mai i te Atua ra na roto noa i to'na faaroo e te parau-tia.

Te Bibilia.

O te Varua Maitai ra, o te Varua ia no te heheuraa. E ore hoi ta'na parau e riro e na'na iho, e rave hoi oia i ta te Metua ra, a faaite mai ai i te taata nei. Ioane 16:13-14. Ia parau tatou e, eita te Varua e horoa faahou mai i te heheuraa, na parihia hoi te Atua i te haapao i te huru o te taata nei, e i te hi'o pae tahi mai ia ratou.

Te Haapaoraa êê.

Ua roaa te Varua maitai i te taata i te taime i tupu ai to'na faaroo.

Te Bibilia.

Na mua te faaroo, te tatarahapa, e te bapetizoraa, e na muri te roaaraa mai te Varua Maitai ra. Ohipa 2:38. Ua horoahia te Varua Maitai ia ratou o tei haapao. Ohipa 5:32. Ua ite Paulo e, na muri te roaaraa te Varua Maitai i te faaroo a ui atu ai oia i to Ephesia e, na noaa anei ia outou te Varua Maitai i to outou vai faaroora nei. Ohipa 19:2 3.

Te Haapaoraa êê.

E ere ia te tuuraa rima i te ravea no te horoaraa i te Varua Maitai.

Te Bibilia.

O te tuuraa rima, o te hoê ia haapiiraa papu maitai a te Mesia. Hebera 6:2. Na roto i te tuuraa rima i noaa'i te Varua Maitai i to Samaria. Ohipa 8:17. E oia atoa i te feia no Ephesia. Ohipa 19:6.

No reira e to'u mau hoa e, o te hopea teie o te haapiiraa ta'u i hinaaro i te vaiiho i rotopu ia outou nei, i a feruri outou i teie nei mau parau no roto mai i te Bibilia o te mau parau mau ia o te Evanelia, ta te Ekalesia a Iesu Mesia i te Feia Mo'a i te mau Mahana Hopea Nei e tiaturi nei, e te haapao hoi i te mau faaueraa a te Fatu.

Parau Faaotiraa

Ua faaite papu atura te peropheta ra o Iosepha Semita i te paran mau o te Bibilia no teie nei mau tau Evanelia e hope roa a'e ra o tei faatia papu mai e, e Peropheta mau oia na te Atua ra. Aita'tu e ravea i noa ai ia'na te ite e te maramarama no taua mau mea nei, a haapapu atu ai oia i to te ao nei, maori ra na roto i te mau beheuraa no ô mai i te Atua ra.

No reira e to'u mau hoa e, te vaiiho nei au i teie nei mau haapiiraa i rotopu ia outou nei na roto i te i'oa o Iesu Mesia ra, Amene.

*Papaihia e Iosepha Beneteau
Tauturu piti no te Peresideniraa
(Quorum) Peresibutero*

O Teihea Te Ekalesia Mau

A faaea'i o Iesu i nia i te ao nei na faatia Oia i te hoê Ekalesia. (Mataio 16:18; 18:17; Te Ôhipa 2:47; 5:11; 8:1; 11:26; 14:23) E ere ïa te reira i te Ekalesia a Ioane Bapetizo, o tei faaineine i te e'a na mua i te Mesia, e ere atoa ïa i te Ekalesia a Petero, e a ore ra, a Paulo, e a ore râ a te hoê o te mau feia tei pee atu ia'na ra. O ta'na iho râ Ekalesia te reira e o Oia ihoa te upoo o taua Ekalesia ra. (Ephesia 5:23) Na'na hoi i faatupu e i faatere i te reira.

Ua riro te Ekalesia ei sotaiete no te tanturu i te mau feia mo'a, i roto i te oraraa e ia rave hoi i te ohipa e roaa'i, ia ratou, te ora mure ore, (Philipi 2:12) e ia ore ratou ia purara ê atu e ia aueue noa hoi. E tanturu faufaa roa te Ekalesia no te aratai i te mau taata, tataitahi, o tei imi i te e'a pirihaio e tae atu ai i te uputa o te ora.

Ua ô mai te mau taata, i roto i Ta'na Ekalesia, na roto i te tanuraahia i roto i te pape (Mataio 3:1-17; 28:19-20; Mareko 16:14-16; Ioane 3:5; Kolosa 2:12) oia hoi, te Bapetizoraa, e na'na iho i tuu mai i te hohoa na roto i To'na Bapetizoraahia e Ioane ra. Ua horoahia te ravea, i te mau taata tei ô i roto i Ta'na Ekalesia, ia farii i to'na huru oraraa e ia pee Ia'na ra e ia riro atoa mai ia'na te huru. (Mataio 6:33; 5:48)

Ua tuu Oia i te tahi mau toroa i roto i Ta'na Ekalesia no te raveraa i te ohipa tei faataahia na ratou (Luka 6:12-16; 10:2; Ephesia 4:11-14). Ua faauehia ratou ia haere e poro-haere i te Evanelia i te ao atoa ra (Mareko 16:15) e ia tia i te mau melo o te Ekalesia, mai te tahi tia mamoe (Ephesia 4:11-14 Ioane 21:15-17) e ia aratai, ia ratou, i nia i te e'a no te ora e ia paruru hoi ia ratou i te mau uri taehae o te haere mai. Ua arataihia te

reira mau toroa e te mau Aposetolo (Ephesia 2:19-21) e ua opua ihoa te Fatu ia vai noa te mau Aposetolo ora i roto i te Ekalesia, ia tia ia vai te faatereraa afaro.

TE MAU PEROPHETA I ROTO I TE EKALESIA CHERISETIANO.

Ua tuu-atoa-hia te mau Peropheta i roto i te Ekalesia ra, oia ia, ua riro te mau Aposetolo iho ei man Peropheta. Ua matau ra te Atua i te aratai ia Iseraela, i roto i te tau o te Faufaa Tahito ra, na roto i te mau Peropheta, e ua na ô mai Oia e, "*Aita a te Fatu ra a Iehova e peu i rave, manri râ ia faaite i ta'na parau i moe i ta'na ra mau tavini i te mau peropheta.*" (Amosa 3:7). Ua farii taua mau Peropheta ra i te heheuraa parau, no ô mai i te Atua ra, no te aratai i te mau taata e ua riro tana mau heheuraa ra, tei fariihia, ei pae rahi no te Faufaa Tahito ra.

Aita te Faaora i mana'o noa'e e, ia vaiiho noahia Ta'na Ekalesia ma te aratairaa ore no ô mai i te ra'i ra. Ua ite Oia e, e faarue vave Oia i teie nei oraraa tahuti no te haere atu i nia i te ra'i. No reira ua tuuhia te mau Peropheta i roto i te Ekalesia Cherisetiano. Hoê â ta ratou ohipa i ta te mau peropheta tahito ra, oia hoi, i te farii i te mau parau e heheuhia mai, no ô mai i te Fatu ra, no te aratairaa i te mau taata. E haere te Ekalesia na nia i te purumu êê ia ore oia ia arataihia e te Atua ra.

No reira ua haapii mai o Paulo e, "*Ua haapao oia i te tahi pae ei aposetolo; e te tahi pae ei haapii evanelia; e te tahi pae ei tia'i e ei orometua; Ei faaau i te feia mo'a i te ohipa ra e orometua, ia tupu i te maitai te tino (Ekalesia ia) o te Mesia ra: Ia riro tatou atoa nei ei tuata paari, i te fauroo hoê e te ite hoê i te Tomaiti a te Atua, ia taea te faito râ i te i o te Mesia i te rahi.*" (Ephesia 4:11-14).

Aita te hoê parau i faaitehia mai e, e tauhia te huru o te mau toroa, e a ore râ, e faaorehia te tahi toro'a. Ua faaite atoa mai o Paulo e, ua tuhia mai ra teie mau toro'a no te paruru i te mau melo o te Ekalesia i te mau parau haavare, a na ô mai ai oia e, "*Ia ore tatou ia aueue i te mata'i ra, i tera parau, mai te tamarii ra, i te ravea a te taata nei e te paari i te mau peu atoa o te haavare ra.*"

TE NIU O TE MAU APOSETOLO.

I te haamataraa, i roto i ta'na Episetole i te mau melo o te Ekalesia i Ephesia, ua a'o atu oia ia ratou i te na oraa'tu e, "*E teie nei, e ere atura outou i te taata eé e te purutia, hoê atoa ra to outou oire e te feia mo'a, e no te fetii o te Atua; i patuhia i nia iho i te niu o te mau aposetolo e te mau peropheta ra, e o Iesu Mesia iho te tihi rahi: no'na te fare atoa i te ati-maitai-raa ia'na ra, i riro ai ei hiero mo'a no te Fatu ra.*" (Ephesia 2:19-21.)

No te haapii atu i te mau feia i Korinetia ra e, o te Ekalesia ra, o te hoê ia machine tei faanahonaho-maitie-hia, ua faaaui oia i te Ekalesia i te tino o te taata. Ua haapii oia e, ua baptizohia te mau feia mo'a i roto i te hoê Ekalesia e a ore râ, te hoê tino, noa'tu e, e ati luda, e a ore râ, e Etene, e tavini, e a ore ra, e fatu, e ua rave paatoa i te varua. Ua papai ra oia e, "*E ere hoi te tino nei i te melo hoê, e rave rahi râ. Ia parau hoi te avae, E ere au i to te tino, no te mea e ere au i te rima; e ere mau anei oia i to te tino i reira? Ia parau hoi te taria e, E ere au i to te tino, no te mea e ere au i te mata; e ere mau anei oia i to te tino i reira?*" (I Korinetia 12:12-28.)

Ua haapii atoa mai oia e, e mea faufaa rahi te mau tufaa atoa, e aita e tia, i te hoê tufaa, ia parau atu i te tahi, "*Ore noa'tu á oe ia'u nei.*" E mea tia ra ia vai te taatoaraa, e ia faanahonaho-maitai-roahia ratou e ati maitai. No reira ua opuahia ia haere noa te faanahonahoraa

matamua, o te Ekalesia, ma to'na mau oro'a, e to'na ra mau haapiiraa e tae noa'tu i te tau, mai ta Paulo i faaite i to Ephesia e, e tae atu ai tatou i te tahoêraa o te faaroo e e ia i te maitai o te Mesia. (Ephesia 4:11-14.)

Ua haapapu atoa mai oia i te mau mea tei tupu i muri a'e i te revaraa'tu o Iesu i nia i te ra'i, e ua opuahia ia haere noa te mau toroa o te Ekalesia. Ua pohe o Iuda i muri a'e i to'na haavareraa ia Iesu e ua vaiiho te reira i te hoê apoo i roto i te tino ahuru e ma piti Aposetolo. Ua toe mai, i reira, hoê ahuru e ma hoê Aposetolo. E nahea ra? E vai noa anei tana pūpū ra i te hoê ahuru e ma hoê noa iho melo, e a ore-râ, ia faahoihia oia i to'na tiaraa mau, oia hoi, ia tae i te hoê ahuru e ma piti Aposetolo? E mai te mea e eita te mono o Iuda e maitihia e ia pohe faahou â te tahi atu Aposetolo, e vaihohia mai ia e ahuru aore noa iho Aposetolo. E mai te mea e na reira-noa-hia eita ia e maoro e ore roa'tu ia te pūpū Aposetolo. Eaha ia te mana'o o te Fatu i te reira huru ohipa?

Aita i maoro, i muri a'e i To'na revaraa i nia i te ra'i, ua faaitehia mai te parau papu. Ua faatupuhia te hoê apooraa e te mau pīpī a Iesu: ua pure ratou ma te haapae-raa i te maa e ua tae ratou i te hoê hanere e e piti ahuru i te tiahapa tei tae i reira ra. Ua tia mai o Petero, i rotopu ia ratou, e ua faaite maira oia i te parau tohu a Davida no nia i te haavare a Iuda. Ua faaite atoa oia, i te mau feia mo'a e, e mea tia ia maitihia te hoê mono no Iuda ia riro oia ei "*Ite, e tatou atoa hoi, i ta'na tia-faahou-raa i nia nei*", oia hoi, ei ite no te tia-faahou-raa o te Faaoro.

UA MAITIHIA TE HOE APOSETOLO API.

Ua mana'ohia i na taeae itoito roa, o ratou, ei mono no Iuda, aita râ, te mau Aposetolo ana'e i rave i teie maitiraa, i te hoê melo apī no to ratou ra pūpū. Ua pure ratou i te na ôraa e, "*E te Fatu, o tei ite i te aau o te taata atoa nei, e faaite mai oe i ta oe i hinaaro i teie nei pue taata, ia rave atoa mai oia i teie nei toroa i te Apose-*

tolo, i mairi ia Iuda i te hara, ia tae oia i to'na ra vahi mau." (Ohipa 1:15-26)

I reira ua noaa faahou â, i te Ekalesia, na aposetolo e hoê ahuru e ma piti, e ua riro te reira ohipa ei ohipa faufaa roa. Ua faaite papu roa mai taua ohipa ra e, ua opua, e ua hinaaro ihoa te Fatu ia vai noa te tino Ahuru ma Piti Aposetolo, eiaha ra ia vai e hoê ahuru e ma hoê noa iho, e a ore ra, e hoê noa iho ahuru aore, e a ore ra, e iva noa iho a tae noa'tu ai ua ore roa ratou.

Ua turu atoa te reira i te parau ta Paulo i parau atu i to Ephesia ra. Ua haapapu oia, ia ratou, e i te mau taata atoa e, o te Ekalesia te hoê haapaoraa tei tuubia mai, e te Mesia, ia haere noa oia ma te tau-ore-hia a vai ai te hinaaro o te mau taata ia faaroo e ia farii i te Evanelia mau.

Tira'tu ai te Aposetolo tei maitihia i taua tau ra? Aita; ua maitihia hoi o Paulo (Galatia 1:1). No te aha? No te faariroraa anei i te Pupu ei pupu tino ahuru e ma toru Aposetolo? E a ore ra, ua maitihia anei oia no te monoraa i te tahi Aposetolo tei pohe atu? Te faaite maira te Bibilia e, ua pohe o Iakobo, te taeae o Ioane pipi here. (Ohipa 12:2.) No reira ua tupu faahou, na muri to Paulo faatoroaraa-hia, te hoê apoo, tei tia ia faaî faa houhia. O te reira paha apoo ta Paulo i faaî.

Te vai faahou-ra-anei te tahi parau no te faatoroaraa i te tahi atu mau Aposetolo? Te faaite mai nei te pene 13 o te Ohipa e, ua haapaohia te hoê putuputuraa tei haapaohia e te mau peropheta, e te mau Orometua o te Ekalesia, e ua faaitehia mai to te tahi pae i'oa i te ua ôraahia mai e, "E te haamori râ ratou i te Fatu ma te haapaeraa maa, ua parau maira te Varua Maitai, A Faataa mai na ia Baranabaraa o Saulo, no te ohipa i haapaohia e au na raua ra. Ua haapae ihora ratou i te maa e pure atura, ua tuu a'era i to ratou rima i nia ia raua, e oti a'era, tonono atura ratou ia raua." (Te ohipa 13:1-3)

*No roto mai i te Buka Teihea te Ekalesia mau
Tei papaihia e Mark E. Petersen.*

LA

par
la c
D'u
ce c
ple
"Ve
Prer
et h
joug

les
sion
hab
form
men
men
êtes
trou
hom
S'il
mal

ne t
un l
Il lu
dans
men
vrai
tout
bent
SI
NEU
frequ
voici
âme,
Jesus
pas;
de se

LA RESPONSABILITE INDIVIDUELLE DANS L'EGLISE

L'état de membre dans l'Eglise n'est pas pour le paresseux; celui qui cherche une route facile vers le salut doit la chercher ailleurs car il ne la trouvera pas dans l'Eglise. D'un autre côté il n'est pas tellement difficile de faire tout ce qu'on attend de nous, ou, en d'autres mots, de tirer pleinement profit de notre état de membre de l'Eglise. "Venez a moi, vous qui êtes fatigués et chargés, et je vous donnerai du repos. Prenez mon joug sur vous et recevez mes instructions, car je suis doux et humble de coeur; et vous trouverez du repos pour vos âmes. Car mon joug est doux et mon fardeau léger." (Matt 11:28-30).

Lorsqu'un homme confesse qu'il lui est dur de garder les commandements du Seigneur, il fait une triste confession, celle d'un violateur de la loi de l'Evangile. Les habitudes se forment aisément. Il est tout aussi facile de former de bonnes habitudes que de mauvaises. Naturellement il n'est pas facile de dire la vérité si vous êtes un menteur fieffé. Il n'est pas facile d'être honnête, si vous êtes habitué à la malhonnêteté. Celui qui n'a jamais prié trouve très difficile de le faire. D'un autre côté, lorsqu'un homme a toujours été sincère, il lui est dur de mentir. S'il a toujours été honnête et s'il commet quelque chose de malhonnête, sa conscience protestera vigoureusement. Il ne trouvera pas de paix si ce n'est dans la repentance. Si un homme a l'esprit de prière, il se réjouit dans la prière. Il lui est facile d'approcher le Seigneur avec assurance, dans la certitude que sa pétition sera entendue. Le paiement de la dîme n'est pas difficile pour l'homme qui est vraiment converti à l'évangile et qui paye le dixième de tout ce qu'il gagne. Les responsabilités qui nous incombent en tant que membres de l'Eglise sont faciles à porter

SI NOUS AIMONS FAIRE LA VOLONTE DU SEIGNEUR! C'est ce qu'implique le passage suivant, si fréquemment cité: "C'est pourquoi je leur donne le commandement que voici: Tu aimeras le Seigneur, ton Dieu, de tout ton coeur, de toute ton âme, de toute ta pensée et de toute ta force; et tu le serviras au nom de Jesus-Christ. Tu aimeras ton prochain comme toi-même. Tu ne déroberas pas; tu ne commettras pas d'adultère; tu ne tueras pas et tu ne feras rien de semblable." [D. et A. 59:5-6].

Il est comparativement facile d'arriver à aimer les commandements du Seigneur, si nous les considérons sous leur véritable jour, si nous les considérons comme des occasions qui nous sont données de travailler à notre salut individuel.

Un des premières choses contre lesquelles nous devons nous mettre en garde, si nous voulons pleinement assumer nos responsabilités individuelles, c'est l'oisiveté. Il y a plus à faire que simplement s'asseoir et attendre le royaume de Dieu! Voici quelle est la parole de Dieu à ce sujet:

"Tu ne seras pas oisif; car le paresseux ne mangera pas le pain et ne portera pas les habits du travailleur." (D. et A. 42:42)

"Que chacun soit diligent en toutes choses. Et le paresseux n'aura pas place dans l'Eglise à moins qu'il ne se repente et s'amende.." (D. et A. 75:29).

Notez bien l'injonction d'être diligents en toutes choses! L'oisif n'est pas seulement l'homme qui refuse de travailler à la sueur de son front, mais aussi celui qui ne se montre pas diligent dans l'accomplissement de toutes ses obligations et de ses responsabilités. Certainement le caractère complexe de notre civilisation actuelle rend absolument nécessaire le développement d'une conscience sociale qui nous pousse à faire beaucoup de choses en dehors du travail qui nous assure le pain quotidien. Le meilleur programme d'occupations que nous puissions adopter en tant que membres dignes de notre société se trouve dans les prescriptions de l'Eglise pour ses membres:

"C'est pourquoi, ô vous qui vous engagez au service de Dieu, veillez à le servir de tout votre cœur, de tout votre pouvoir, de tout votre esprit, de toutes vos forces, afin que vous soyez irréprochables devant Dieu au dernier jour." (D. et A. 4:2)

(à suivre.)

Toni Orometua

PARAU RII API

Te Rata A Elita

Ua tae mai te hoê rata, tei papaihia e Elita ma, o tei faaite mai e, e mea maitai roa ratou e ua matai roa hoi to ratou tereraa'tu i to ratou ra fenua ai'a. Ua mataitai haere ratou i te tahi mau oire e rave rahi, i te fenua America, hou a tae atu ai ratou i te fenua i Utaha ra. Ua farerei ratou i te mau Orometua tahito ra, oia hoi, ia Re, ia Mati, ia Meo, ia Setephano e ia Toma atoa hoi, e te faaite mai nei ratou e, e mea maitai roa te reira mau Orometua tahito. Te opua nei o Toma, raua e to'na hoa here, ia faaipoipohia raua i roto i te ava'e no Tiunu i mua nei; e teie atoa te tahi, e faaipoipohia o Janet (te Tamahine a Elita ma), raua e to'na ra hoa here, i roto atoa i te ava'e no Tiunu i mua nei.

Te Haapiiraa Teitei I Hawii.

I te 17 no te ava'e no Ditema i mairi a'enei, ua tomohia, e to tatou Peropheta ra o Davida O. Makay, te hoê Hapiiraa Teitei, i te oire ra i Laie, i Hawii. Ua haamatabia teie nei haapiiraa, i te matahiti 1955, i roto i te tahi mau fare tei faaruehia e te nuu faehau ra. Na te mau Orometua rave ohipa i faatia i taua mau fare apî ra, i roto i na matahiti e maha ra, e teie ia te moni tei haamau'ahia no taua mau fare ra, oia hoi, e toru milioni e e pae hanere tausani tara, moni marite.

Te Amuiraa I Takaroa.

Ua mana'ohia e, faaure to tatou Peresideni Misioni, e to'na atoa ra hoa, e te tahi na Orometua, i Papeete nei, i te 4 no Fepuare i mua nei, na nia i to tatou ra pahi o Paraita, no te haere atu i Takaroa no te faa-tere i te hoê Amuiraa i reira.

Ua reva a'enei to tatou Orometua ra, o Maratini, ma te apeehea'tu e te hoê Peresibutero, oia hoi, o Hiro Piri â Mariteragi, no te haere atu i taua Amaa ra no te faaineine i te mau ohipa atoa no te amuiraa.

Te Mau Pahi Manua

I teie mau mahana i mairi a'enei ua tae mai te pahi ra, o Jeanne d'Arc, tei riro ei pahi tei faataahia ei pahi haapiiraa no te mau tamarii o te titau i te toroa officier i roto i te Nuu moana ra, e ua apeehea taua manua rahi ra, i na manua huru nainai, e piti, oia hoi, o te Francis Garnier e te La Grandiere.

Ua parauhia e, ua mairi te 650 taata i nia i taua pahi rahi ra e ua haviiti mau te mau u'i api haapii Officier. I taua mau mahana ra ua i

roa te uahu o Papeete nei i te pahi, oia hoi, e 2 pahi manua, e piti pahi Farani. oia hoi o Tahitien e o Caledonien, e te hoê hoi pahi Marite, oia hoi, te Monterey.

I taua mau mahana ra, ua i roa te mau aroa o Papeete nei i te taata, e tae noa'tu i mau pereoo uira.

Te Hoho'a No Ta Tatou Ve'a. Te Uru Raau

I roto i ta tatou hoho'a no teie ava'e Febuare, ua itehia te uru raau i te mataeinaa Palmyra, i te tufaa fenua New York i te fenua Amerika. Te vahi teie ta Iosepha Semita i haere i te matahiti 1820, i te hoê mahana nehenehe roa, aore e ata i nia i te ra'i, no te pure atu i te Atua ia roa mai ia'na i te ite e, o tei hea te haapaoraa mau te tia ia'na ia amui atu.

Ua pahonohia mai taua pure ra na roto i te hoê orama rahi. Fâ maira te Atua, te Metua, e te Tamaiti ma te faaiteraa mai ia Iosepha ra. "Eiaha e amui atu i te hcê o te mau Ekalesia e vai nei, no te mea ua hapa ratou. Te faatura mai nei teie nei feia ia'u i to ratou utu, area to ratou aau tei te atea ê ia'u; te haapii nei ratou i te parau i tuuhia mai e te taata ana'e ra, e huru paieti hoi ta ratou, area te mana no te reira, ua hunahia ia e ratou. Eiaha oe e amui atu i te hoê no teie mau Ekalesia, te vai ra te tau e heua mai te Evangelia mau ia oe na."

Aita te mau tumu raau i roto i te hoho'a i vai i tera tau, ua iritihia taua mau raau tahito ra, e ua tanuhia i te mau mea api. O teie hoho'a nei, o te huru ia i teie nei tau. Ua hoohia mai taua fenua ra e te Ekalesia a Iesu Mesia i te Feia Mo'a i te Mau Mahana Hopea Nei, e ua riro te reira ei vahi Mataitairaa na te mau taata e rave rahi no te mau tufaa tenua atoa ra.